

06 NOIEMBRIE
RUGACIUNEA
SOBORULUI SF.NOI MUCENICI
SI MARTURISITORI
AI OREHOVO-ZUEVSKULUI

Молитва

О, святии всехваљнии новомученицы и исповедницы Орехово-Зуевстии! Троицы Единосущныя поборницы, веры Православныя хранителие! Вы, в лето скорбных испытаний Церкви Русския живота не пощадивше, ради Владыки Христа многовидныя муки и смерть от безбожных претерпели есте и, яко свидетелие вернии, к Небесному наследию востекли есте, идеже в сонме новомучеников и исповедников Российских Троице Живоначальной предстоите и хвалу с благодарением возносите.

Сего ради в день светлаго торжества вашего, мы, недостойнии, похвалы сия и пения, яко дар любви, вам приносим и со умилением взываем: молитесь Господа и Спаса нашего Иисуса Христа Церковь Русскую неодолиму сохранить, мир Отечеству нашему подати, град сей и вся люди в

Православии утвердити и грехов оставление нам даровати.

О, святии ходатаи и небеснии покровителие наши, примите нас под кров водительства вашего, утвердите немощныя стопы наша к деланию заповедей Божиих и хранении святых уставов Православныя веры, да, во благочестии, покаянии и братолюбии поживше, десную часть спасаемых обрящем, идеже вкупе со всеми святыми сподобимся славить и воспевати всесвятое Имя Отца и Сына и Святаго Духа.

АМИНЬ.